

2. У периоду од шест (6) мјесеци од ступања на снагу овог закона, специјални међународни савјетник обављаће следеће задатке и послове и то према датом редосљеду:
  - а) израдити статут, пословник и интерни правилник Комисије;
  - б) израдити етички кодекс за Комисију и рачуноводствену професију;
  - ц) координирати изборне поступке које врше професионална тијела за избор чланова Комисије.
3. Специјални међународни савјетник обављаће функцију директора Комисије у периоду од шест мјесеци од дана избора Комисије. Специјални међународни савјетник може бити задржан на период од додатних шест (6) мјесеци у улози специјалног савјетника Комисије, уколико тако одлучи Комисија већином гласова.
4. По завршетку мандата специјалног међународног савјетника, све измјене Статута и постојећих прописа Комисија ће доносити само по основу једногласне одлуке свих седам чланова Комисије.

#### Члан 13.

Сва лица која су започела програм обуке и сертификације прије ступања на снагу овог закона а у складу са ранијим прописима ентитета, у складу са овим законом имају право завршити тај програм у периоду од највише једне године од дана ступања на снагу овог закона.

#### Члан 14.

Стандарди из члана 2. овог закона примјењују се на финансијске извјештаје за периоде који почињу од 1. јануара 2004. године и послје.

#### Члан 15.

##### Ступање на снагу

Овај закон ступа на снагу осмог дана од дана објављивања у "Службеном гласнику БиХ".

ПС БиХ број 77/04  
29. јуна 2004. године  
Сарајево

Председавајући Представничког дома Парламентарне скупштине БиХ <b>Мартин Рагуж, с. р.</b>	Председавајући Дома народа Парламентарне скупштине БиХ <b>Горан Милојевић, с. р.</b>
--	---

Na основу члана IV. 4. а) Устава Bosne i Hercegovine, Parlamentarna skupština Bosne i Hercegovine на сједници Представничког дома, одржаној 18. јуна 2004. године, и сједници Дома народа, одржаној 29. јуна 2004. године, усвојила је

## ZAKON

### O RAČUNOVODSTVU I REVIZIJI BOSNE I HERCEGOVINE

#### I - OSNOVNE ODREDBE

##### Члан 1.

##### Циљ и предмет закона

1. Овим законом се: утврђују обавезни стандарди рачуноводства и ревизије, укључујући и кодекс професионалне етике за професионалне рачуноводе и ревизоре који се обавезно примјенјују на цијелој територији Bosne i Hercegovine (у даљем тексту: БиХ), прописују једнообразни захтеви за стицање квалификација и провођење обуке, тестирања, сертификације и лиценцирања професионалних рачуновода и ревизора, који су обавезни на цијелој територији БиХ, прописује узajамно признавање квалификација професионалних рачуновода и ревизора и несметано обављање ревизије на цијелој територији БиХ, утврђује обавеза усглашавања

provedbenih i drugih propisa u Federaciji Bosne i Hercegovine i Republici Srpskoj (u daljem tekstu: entiteti) i Brčko Distriktu BiH (u daljem tekstu: Distrikt) s odredbama ovog zakona, uređuje osnivanje nezavisne komisije za računovodstvo i reviziju BiH (u daljem tekstu: Komisija), koja će nadgledati primjenu standarda i vršiti druge poslove u skladu s ovlaštenjima iz ovog zakona, za cijelu teritoriju BiH.

2. Pojmovi upotrijebljeni u ovom zakonu imaju sljedeće značenje:
  - а) *Раčуноводствена професија* је професија која обавља рачуноводствене, ревизијске и сродне услуге у БиХ;
  - б) *Комисија* је независна и стручна комисија за рачуноводство и ревизију БиХ, која је задужена за рачуноводствене и ревизијске стандарде и пратећа упутства и праксе из члана 2. овог закона и за друге активности из члана 3. овог закона;
  - в) *Стандарди* су рачуноводствени стандарди и стандарди ревизије, пратећа упутства, објашњења и смјернице и начела професионалне етике из члана 2. овог закона, који су обавезни за рачуноводствену професију на цијелој територији БиХ;
  - д) *Професионална тијела* су невладина, добровољна и стручна удружења у БиХ, која су призната као добре професионалне рачуноводствене организације добре репутације и која испуњавају услове из члана 11. овог закона.

#### II - STANDARDI

##### Члан 2.

##### Раčуноводствени стандарди и стандарди ревизије

1. Раčуноводствени стандарди који се примјенјују на цијелој територији БиХ су:
  - а) међународни рачуноводствени стандарди (IAS), односно Међународни стандарди финансијског извјештавања (IFRS);
  - б) пратећа упутства, објашњења и смјернице које доноси Одбор за међународне рачуноводствене стандарде (IASB).
2. Стандарди ревизије и начела професионалне етике професионалних рачуновода и ревизора који се примјенјују на цијелој територији БиХ су:
  - а) међународни стандарди ревизије (ISA);
  - б) кодекс етике за професионалне рачуноводе;
  - в) пратећа упутства, објашњења и смјернице које доноси Међународна федерација рачуновода (IFAC).
3. Стандарди из овог члана обухватају и стандарде, упутства, објашњења, смјернице и начела које IFAC и IASB donesu након ступања на снагу овог закона.
4. Стандарди из овог члана примјенјују се на сва приватна и јавна предузећа и друга правна лица са сједиштем у БиХ.
5. Изузетно од одредбе става 4. овог члана, а до објављивања међународних рачуноводствених стандарда за владе и друга правна лица из јавног сектора, буџети, буџетски корисници и ванбуџетски фондови у БиХ примјенјиват ће важеће прописе институција БиХ, ентитета и Distrikta о рачуноводству и финансијском извјештавању.

#### III - KOMISIJA ZA RAČUNOVODSTVO I REVIZIJU BiH

##### Члан 3.

##### Успостављање и надлежности Комисије

1. Овим законом прописује се оснивање Комисије, коју формира специјални међународни савјетник именован у складу с чланом 12. овог закона.
2. Комисија обавља следеће активности:

- a) prevodi i objavljuje standarde, prateća uputstva, objašnjenja i smjernice i načela profesionalne etike iz člana 2. ovog zakona;
  - b) utvrđuje kriterije i donosi jedinstveni program kvalifikacija, obuke, testiranja, certifikacije i licenciranja za računovodstvenu profesiju, koji je u potpunosti usaglašen sa standardima i smjericama IFAC-a i koji se primjenjuje na cijeloj teritoriji BiH, te nadgleda njegovo provođenje u entitetima i Distriktu;
  - c) nadgleda provođenje jedinstvenog programa obuke za sticanje kvalifikacija za računovodstvenu profesiju i, u saradnji s profesionalnim tijelima i davaocima usluga obuke, izdaje obavezna uputstva koja su potrebna za pravilnu i jednoobraznu primjenu tog programa na cijeloj teritoriji BiH;
  - d) uspostavlja jedinstveni program testiranja kandidata za računovodstvenu profesiju i provodi taj program na cijeloj teritoriji BiH;
  - e) u skladu s članom 5. ovog zakona, nadgleda certifikaciju koju vrše profesionalna tijela, u smislu ispunjavanja uslova u pogledu prethodne obuke, položenih ispita, stručne spremlje i praktičnog iskustva koji su jedinstveni na cijeloj teritoriji BiH;
  - f) nadgleda licenciranje i certifikaciju članova računovodstvene profesije;
  - g) inicira i koordinira aktivnosti za uspostavljanje zajedničkog profesionalnog tijela na nivou BiH, ukoliko isto dobrovoljno formiraju postojeća profesionalna tijela u BiH u roku od šest (6) mjeseci od dana stupanja na snagu ovog zakona;
  - h) održava redovne sastanke u cilju kontrole primjene standarda, provođenja jedinstvenog programa sticanja kvalifikacija i ostalih povezanih pitanja;
  - i) priprema godišnju informaciju za Vijeće ministara BiH, koja obavezno sadrži i podatke o prihodima i rashodima Komisije, i čija će dostupnost kao javnog dokumenta biti osigurana najkasnije do kraja februara svake godine.
3. Opravdani troškovi koji nastanu kao rezultat obavljanja aktivnosti Komisije u skladu s ovim zakonom finansiraju se doprinosima koje plaćaju profesionalna tijela, naknadama za ispite koje plaćaju kandidati, mogućom podrškom međunarodnih donatora i iz drugih dostupnih izvora. Visinu i kriterije učesća profesionalnih tijela u troškovima Komisije utvrđuje Komisija u koordinaciji s profesionalnim tijelima.
  4. Naknade za ispite i ostali prihodi Komisije:
    - a) nezavisni su i odvojeni od budžeta BiH, entiteta i Distrikta;
    - b) mogu se koristiti isključivo za provođenje aktivnosti Komisije u skladu s ovim zakonom i za razvoj računovodstvene profesije u BiH.

#### Član 4.

##### Sastav Komisije

1. Komisija ima sedam (7) članova koji se biraju iz računovodstvene profesije, od kojih su:
  - a) tri člana iz Federacije Bosne i Hercegovine;
  - b) tri člana iz Republike Srpske;
  - c) jedan član iz Brčko Distrikta BiH.
2. Svaki član Komisije imenuje se na prijedlog profesionalnog tijela. Profesionalno tijelo ima obavezu osigurati da je član kojeg imenuje za Komisiju reprezentativan u odnosu na članstvo tog tijela. Ukoliko Komisija u roku od devet mjeseci od dana stupanja na

snagu ovog zakona primi peticiju potpisanu od strane deset posto ili više članova bilo kog profesionalnog udruženja, specijalni međunarodni savjetnik nadzirat će novo glasanje članova pomenutog udruženja u cilju utvrđivanja, na osnovu obične većine glasova, koji kandidati za članove Komisije predstavljaju izbor članstva tog udruženja.

3. Članovi Komisije imenuju se na period od dvije godine. Član Komisije ne može se kandidirati za ponovne izbore nakon uzastopne četiri godine provedene u tom svojstvu.

#### IV - ZVANJE I KVALIFIKACIJA

##### Član 5.

##### Zvanja, testiranje, certifikacija i licenciranje

1. Ovim zakonom propisuju se sljedeća zvanja u računovodstvenoj profesiji u BiH:
  - a) certificirani računovodstveni tehničar (CRT);
  - b) certificirani računovoda (CR);
  - c) ovlašteni revizor (OR).
2. Testiranje kandidata za zvanja iz stava 1. ovog člana, izdavanje certifikata uspješnim kandidatima i licenciranje (izdavanje dozvole za rad) vrše:
  - a) testiranje kandidata za CRT, CR i OR vrši Komisija. Testiranje kandidata vrši se na osnovu jedinstvenog programa za cijelu teritoriju BiH, koji je u cijelosti usklađen sa standardima i smjericama IFAC-a. Komisija može prenijeti aktivnosti vezano za administraciju testiranja na jedno ili više profesionalnih tijela pri čemu će Komisija pobliže nadgledati provođenje takvih aktivnosti, s tim da odgovornost za testiranje i izradu testova zadržava sama Komisija;
  - b) izdavanje certifikata za CRT i CR vrše profesionalna tijela uz nadzor Komisije. Izdavanje certifikata za OR vrši Komisija;
  - c) licenciranje CRT i CR koji pružaju nezavisne računovodstvene usluge trećim licima vrše profesionalne asocijacije. Licenciranje se ne vrši za CRT i CR koji obavljaju računovodstvene poslove za interne potrebe preduzeća i drugih pravnih lica u kojima su zaposleni. Licenciranje OR vrše entiteti i Distrikt. Reviziju u BiH mogu vršiti samo lica koja imaju odgovarajuću licencu izdatu u BiH. Revizijske izvještaje mogu davati samo preduzeća koja imaju odgovarajuću licencu izdatu u BiH.
3. Nezakonita je upotreba zvanja i naziva iz ovog člana od strane lica koja nisu certificirana u skladu s ovim zakonom, kao i nudenje ili obavljanje nezavisnih računovodstvenih ili revizijskih usluga trećim licima od strane lica koja nisu licencirana u skladu s ovim zakonom.
4. Ranija zvanja u računovodstvenoj profesiji u BiH, stečena po propisima koji su se primjenjivali prije dana stupanja na snagu ovog zakona, preimenovat će se kako slijedi:
  - a) Računovodstveni tehničar - računovoda dobija zvanje certificirani računovodstveni tehničar;
  - b) Samostalni računovoda dobija zvanje certificirani računovoda;
  - c) Ovlašteni računovoda dobija zvanje certificirani računovoda;
  - d) Pomoćnik revizora dobija zvanje certificirani računovoda;
  - e) Ovlašteni revizor zadržava zvanje ovlašteni revizor.
5. Na zahtjev lica s važećim ranijim zvanjem iz stava 4. ovog člana, profesionalna tijela će, u skladu s ovlaštenjima iz stava 2.b) ovog člana, u roku od šest (6) mjeseci od dana

stupanja na snagu ovog zakona izdati novi certifikat za odgovarajuće zvanje u skladu sa st. 1. i 4. ovog člana. Komisija će urediti odgovarajući postupak za članove onih profesionalnih tijela koja nisu u stanju ispuniti ovaj zahtjev. Komisija će preporučiti standardnu, administrativnu naknadu nominalnog iznosa čijom naplatom se omogućuje udruženjima da nadoknade neophodne administrativne troškove koji će nastati usljed ispunjavanja zahtjeva ove odredbe.

6. Lica s ranijim zvanjem pomoćnika revizora iz stava 4.d) ovog člana postaju ovlašteni revizori samo ako u periodu od dvanaest mjeseci od dana stupanja na snagu ovog zakona odslušaју specijalni kurs kontinuirane profesionalne edukacije iz napredne revizije u trajanju od 40 časova i iz ovog kursa polože ispit. Kurs kontinuirane profesionalne edukacije kao i ispit na kraju kursa organizira Savez računovođa i revizora Republike Srpske pod nadzorom Komisije.

#### Član 6. Kvalifikacije

1. Novi kandidati za profesionalna zvanja iz člana 5. stav 1. ovog zakona moraju ispunjavati uslove u pogledu stručne spremlje, praktičnog iskustva, obuke i testiranja koje utvrđuje Komisija, a koji su usklađeni s odgovarajućim standardima i smjericama IFAC-a. Nadležno tijelo iz člana 5. stava 2. b) ovog zakona izdaje certifikate na osnovu dokaza o zadovoljenju svih propisanih uslova.
2. Sva lica iz računovodstvene profesije, uključujući i lica koja su zvanja stekla u skladu s članom 5. stav 4. ovog zakona, dužna su pohađati kontinuiranu profesionalnu edukaciju u okviru kriterija koje utvrdi Komisija, a u trajanju od najmanje 120 sati u periodima od tri godine.
3. Licence koje su izdate prije dana stupanja na snagu ovog zakona i dalje će se priznavati, s tim što nosioci takvih licenci moraju ispuniti zahtjeve kontinuirane profesionalne edukacije iz stava 2. ovog člana. Na zahtjev nosioca licenci iz ovog stava, entiteti ili Distrikt izdat će novu licencu u skladu s članom 5. stav 2. c) ovog zakona.

#### Član 7.

##### Program za sticanje kvalifikacija i obuku na nivou BiH

1. Za računovodstvenu profesiju u BiH primjenjuje se jedinstveni Program za sticanje kvalifikacija i obuku na nivou BiH (u daljem tekstu: Program), na isti način i pod istim uslovima za cijelu teritoriju BiH.
2. Program utvrđuje Komisija, u skladu sa standardima i smjericama IFAC-a. Jedinstvenost testiranja i certifikacije za zvanja CRT, CR i OR predstavlja ključnu komponentu Programa. Razlike između entiteta i Distrikta u pogledu testiranja ni u kojem slučaju nisu dozvoljene.
3. Komisija objavljuje Program najkasnije u roku od tri (3) mjeseca od dana njenog formiranja.
4. Komisija donosi i objavljuje i izmjene Programa, ako i kada IFAC izmijeni ili dopuni svoje standarde i smjernice.
5. Lica koja pristupaju računovodstvenoj profesiji u BiH nakon stupanja na snagu ovog zakona mogu steći zvanja iz člana 5. stav 1. ovog zakona samo ako ispunjavaju uslove odgovarajućeg dijela ili dijelova Programa.
6. Pored uslova u pogledu testiranja i certifikacije, Program sadrži i potrebne uslove koje kandidati treba da ispunjavaju u pogledu:
  - a) stručne spremlje i radnog iskustva za odgovarajući nivo certifikacije;
  - b) odgovarajućeg znanja iz pravne regulative i poreskog sistema BiH, što se dokazuje putem pismenog ispita.
7. Usluge obuke kandidata za računovodstvenu profesiju, u skladu s Programom, pružaju preduzeća iz privatnog

sektora, profesionalna tijela i obrazovne ustanove u BiH, koji ispunjavaju uslove koje utvrdi Komisija. Po završenoj obuci, organizator obuke izdaje uvjerenje polaznicima obuke o broju sati i programu pružene obuke. Pohađanje kurseva obuke za kandidate nije obavezno, ali je polaganje testa, kao komponenta Programa, obavezno za certifikaciju kandidata.

8. Ispiti se vrše po programu koji utvrđuje Komisija, pod istim uslovima za sva lica u BiH. Izradu testova vrši Komisija, dok aktivnosti u vezi s administracijom testiranja Komisija može prenijeti na jedno ili više profesionalnih tijela pri čemu će pobliže nadgledati provođenje takvih aktivnosti.
9. Kontinuirana profesionalna edukacija je uključena u Program u skladu s uputstvima koja izdaje Komisija, a vrše je profesionalna tijela.

#### Član 8.

##### Priznavanje stranih kvalifikacija

1. Komisija, u skladu s ovlaštenjima iz člana 5. stav 2. c) ovog zakona, vrši certifikaciju lica koja su stekla kvalifikacije izvan BiH, nakon što ta lica dokažu da su ispunila IFAC-ove uslove edukacije u zemlji u kojoj su stekla kvalifikaciju, kao i da ispunjavaju uslove stručne spremlje, radnog iskustva i poznavanja pravne regulative i poreskog sistema BiH u skladu s Programom.
2. Komisija će bliže propisati uslove i postupak certifikacije lica iz stava 1. ovog člana, u roku od šest (6) mjeseci od dana stupanja na snagu ovog zakona.

#### Član 9.

##### Uzajamno priznavanje kvalifikacija u BiH

1. Svim licima, koja imaju važeće zvanje stečeno u skladu s ovim zakonom, to zvanje se priznaje na cijeloj teritoriji BiH bez dodatnih zahtjeva.
2. Sva lica, koja imaju važeće licence izdate u skladu s ovim zakonom, usluge za koje su ovlaštena tom licencom mogu pružati na cijeloj teritoriji BiH bez dodatnih zahtjeva.
3. Izvršene revizije i revizijski izvještaji priznaju se na cijeloj teritoriji BiH bez dodatnih zahtjeva.
4. Nezakonito je odbijanje ovlaštenog organa za licenciranje u entitetu ili Distriktu da izda licencu propisno certificiranom kandidatu zbog toga što je kandidat ili njegova profesionalna kvalifikacija vezana za drugi entitet ili Distrikt, kao i bilo kakvo drugačije i dodatno uslovljavanje izdavanja licence izvan uslova koji su utvrđeni u skladu s ovim zakonom.
5. Reviziju obavljaju revizorske firme koje su licencirane u skladu s odgovarajućim zakonima o računovodstvu i reviziji entiteta. Sve revizorske firme, licencirane u skladu sa zahtjevima važećih zakona entiteta i Distrikta, imaju pravo obavljati usluge revizije za koje su tom licencom ovlaštene na cijelom prostoru BiH bez dodatnih zahtjeva.

#### V - MJERE ZA PROVOĐENJE ZAKONA U ENTITETIMA I DISTRIKTU

#### Član 10.

##### Obaveze entiteta i Distrikta

1. Entiteti i Distrikt će u roku od tri (3) mjeseca od datuma stupanja na snagu ovog zakona preuzeti sve neophodne mjere za njegovo provođenje. Svi provedbeni propisi entiteta i Distrikta, kao i drugi postojeći zakoni i propisi entiteta i Distrikta kojima se uređuju pitanja iz ovog zakona bit će usklađeni s odredbama ovog zakona. Zakonima o računovodstvu entiteta i Distrikta propisat će se jednoobrazni obrasci finansijskih izvještaja i drugi računovodstveni zahtjevi za preduzeća.
2. Od svih lica koja nude nezavisne računovodstvene ili revizijske usluge zahtijeva se da budu certificirana i

licencirana u skladu s odredbama ovog zakona. Provedbenim propisima entiteta i Distrikta propisat će se prestanak obaveze licenciranja računovodstvenih i finansijskih radnika koji u preduzećima i drugim pravnim licima u kojima su zaposleni obavljaju računovodstvene, knjigovodstvene i poreske poslove za interne potrebe preduzeća uključujući, ali ne i ograničavajući se na, izradu poreskog bilansa i slične usluge.

#### Član 11.

##### Priznavanje profesionalnih tijela

1. Profesionalna tijela u BiH obavezna su:
  - a) saradivati s Komisijom vezano za sva pitanja utvrđena ovim zakonom;
  - b) provoditi jedinstveni program za sticanje kvalifikacija, certifikata i licenci za računovodstvenu profesiju na nivou BiH.
2. Komisija je dužna u skladu s ovim zakonom da prizna ili odbije da prizna udruženje kao profesionalno tijelo, a u tu svrhu sačinjava poslovnik. Komisija definira saradnju na način kojim se osigurava efektivno provođenje jedinstvenog programa iz stava 1.b) ovog člana.
3. Komisija uspostavlja postupke za reguliranje svih sporova nastalih povodom odluke Komisije o odbijanju priznavanja udruženja kao profesionalnog tijela. Žalba na odluku Komisije podnosi se Sudu Bosne i Hercegovine u skladu s članom 14. Zakona o Sudu Bosne i Hercegovine ("Službeni glasnik BiH", broj 29/00).
4. Nezakonita je etnička, spolna ili diskriminacija po osnovu geografskog porijekla bilo kog udruženja ili računovođe ili revizora kao pojedinca od strane Komisije.

#### VI - PRIJELAZNE I ZAVRŠNE ODREDBE

#### Član 12.

##### Specijalni međunarodni savjetnik

1. Vijeće ministara BiH imenuje specijalnog međunarodnog savjetnika sa znanjem iz oblasti računovodstva i revizije.
2. U periodu od šest (6) mjeseci od stupanja na snagu ovog zakona, specijalni međunarodni savjetnik obavljat će sljedeće zadatke i poslove i to prema datom redosljedu:
  - a) izraditi statut, poslovnik i interni pravilnik Komisije;
  - b) izraditi etički kodeks za Komisiju i računovodstvenu profesiju;
  - c) koordinirati izborne postupke koje vrše profesionalna tijela za izbor članova Komisije.
3. Specijalni međunarodni savjetnik obavljat će funkciju direktora Komisije u periodu od šest mjeseci od dana izbora Komisije. Specijalni međunarodni savjetnik može biti zadržan na period od dodatnih šest (6) mjeseci u ulozi specijalnog savjetnika Komisije, ukoliko tako odluči Komisija većinom glasova.
4. Po završetku mandata specijalnog međunarodnog savjetnika, sve izmjene Statuta i postojećih propisa Komisija će donositi samo po osnovu jednoglasne odluke svih sedam članova Komisije.

#### Član 13.

Sva lica koja su započela program obuke i certifikacije prije stupanja na snagu ovog zakona a u skladu s ranijim propisima entiteta, u skladu s ovim zakonom imaju pravo završiti taj program u periodu od najviše jedne godine od dana stupanja na snagu ovog zakona.

#### Član 14.

Standardi iz člana 2. ovog zakona primjenjuju se na finansijske izvještaje za periode koji počinju od 1. januara 2004. godine i poslije.

#### Član 15.

##### Stupanje na snagu

Ovaj zakon stupa na snagu osmog dana od dana objavljivanja u "Službenom glasniku BiH".

PS BiH broj 77/04  
29. juna 2004. godine  
Sarajevo

Predsjedavajući  
Predstavničkog doma  
Parlamentarne skupštine BiH  
**Martin Raguž**, s. r.

Predsjedavajući  
Doma naroda  
Parlamentarne skupštine BiH  
**Goran Milojević**, s. r.

Na temelju članka IV. 4. a) Ustava Bosne i Hercegovine, Parlamentarna skupština Bosne i Hercegovine na sjednici Zastupničkog doma, održanoj 18. lipnja 2004, i sjednici Doma naroda održanoj 29. lipnja 2004, usvojila je

## ZAKON

### O RAČUNOVODSTVU I REVIZIJI BOSNE I HERCEGOVINE

#### I - TEMELJNE ODREDBE

#### Članak 1.

##### Cilj i predmet zakona

1. Ovim se Zakonom: utvrđuju obvezni standardi računovodstva i revizije, uključujući i kodeks profesionalne etike za profesionalne računovođe i revizore koji se obvezno primjenjuju na cijelom teritoriju Bosne i Hercegovine (u daljnjem tekstu: BiH), propisuju jednoobrazni zahtjevi za stjecanje kvalifikacija i provedbu obuke, testiranja, certificiranja i licenciranja profesionalnih računovođa i revizora, koji su obvezni na cijelom teritoriju BiH, propisuje uzajamno priznavanje kvalifikacija profesionalnih računovođa i revizora i nesmetano obnašanje revizije na cijelom teritoriju BiH, utvrđuje obveza usuglašavanja provedbenih i drugih propisa u Federaciji Bosne i Hercegovine i Republici Srpskoj (u daljnjem tekstu: entiteti) i Brčko Distriktu BiH (u daljnjem tekstu: Distrikt) s odredbama ovoga zakona, uređuje utemeljenje neovisnog povjerenstva za računovodstvo i reviziju BiH (u daljnjem tekstu: Povjerenstvo), koje će nadgledati primjenu standarda i obavljati druge poslove sukladno ovlastima iz ovoga zakona, za cijeli teritorij BiH.
2. Pojmovi uporabljeni u ovom zakonu imaju sljedeće značenje:
  - a) *Računovodstvena profesija* je profesija koja obavlja računovodstvene, revizijske i srodne usluge u BiH;
  - b) *Povjerenstvo* je neovisno i stručno povjerenstvo za računovodstvo i reviziju BiH, koje je zaduženo za računovodstvene i revizijske standarde i prateće upute i prakse iz članka 2. ovoga zakona i za druge aktivnosti iz članka 3. ovoga zakona;
  - c) *Standardi* su računovodstveni standardi i standardi revizije, prateće upute, objašnjenja i smjernice i načela profesionalne etike iz članka 2. ovoga zakona, koji su obvezni za računovodstvenu profesiju na cijelom teritoriju BiH;
  - d) *Profesionalna tijela* su nevladine, dobrovoljne i stručne udruge u BiH, koje su priznate kao dobre profesionalne računovodstvene organizacije dobre reputacije i koje ispunjavaju uvjete iz članka 11. ovoga zakona.